


# Saradnja između škole i kuće

Škola i kuća imaju zajedničku odgovornost da stvore najbolje moguće preduvjete za razvoj i obrazovanje učenika. Stoga je važno da saradnja između škole i staratelja dobro funkcioniра. Da se pomogne u toj saradnji razvili smo smjernice koje se bave očekivanjima koje oni koji rade u školi, učenici i staratelji mogu imati jedni na druge. Smjernice se takođe zovu dokument o očekivanjima.



## Ovo možete vi kao staratelj očekivati od škole

- » Da škola svim učenicima pruži preduvjete da se razvijaju što je više moguće na osnovu ciljeva nastavnog plana i da škola radi na tome da svaki učenik u skladu sa svojim preduvjetima preuzme odgovornost za svoje učenje.
- » Da je škola odgovorna za učenike u vrijeme dok su u školi. Kako nadzor funkcioniра u praksi i koji mu je obim ovisi, između ostalog, od uzrasta, potreba i zrelosti učenika.
- » Da vas škola obavijesti o tome kako vašem djetetu ide u školi vezano za znanje i društvo, te da ćete biti kontaktirani ako se dogodi nešto o čemu škola treba razgovarati s vama.
- » Da škola jasno obavještava o, između ostalog, ciljevima škole, važnim rutinama i pravilniku ponašanja. Škola takođe opisuje kako i kada škola i kuća mogu komunicirati jedno s drugim i ko je u školi za šta odgovoran.
- » Da se škola ponaša s poštovanjem i saraduje oko školske situacije djeteta, njegovoj dobrobiti, sigurnosti i razvoju znanja.
- » Škola će da vodi računa da postoje jasne informacije o eventualnoj domaćoj zadaći i odgovarajućim udžbenicima za zadatke.
- » Da škola pruža informacije koje su vam potrebne na prelazima između nivoa obrazovanja, škole i školskih oblika. Kako bi prelazak bio što je moguće bolji, posebno je važno da komunikacija između kuće i škole dobro funkcioniра.



## Ovo škola može očekivati od vas kao staratelja

- » Da ste odgovorni da vaše dijete ide u školu u skladu sa obaveznim školovanjem i da javite ukoliko vaše dijete ne može doći u školu.
- » Da ste odgovorni da vaše dijete na vrijeme dođe u školu i da je odmorno.
- » Da ukažete povjerenje različitim profesijama u školi i da se ponašate s poštovanjem.
- » Da pročitate informacije koje dobijete od škole i da učestvujete na sastancima na koje škola poziva. Važno je da školi date podatke o svom djetetu kao i svoje kontaktne podatke kako bi škola mogla doći do vas kao staratelja.
- » Da podržavate i podstičete školski rad vašeg djeteta i da vodite računa da vaše dijete u školu donosi odgovarajući materijal i opremu.
- » Da sa svojim djetetom razgovarate o pravilima u školi i o tome zašto je važno poštovati sve učenike i odrasle. Tada vi i vaše dijete doprinosite dobrom radnom okruženju u školi za učenike, nastavnike i za druge koji su školi.

## Ovo škola može očekivati od tebe kao učenika

- » Da, u skladu sa svojim preduvjetima, preuzmeš odgovornost za svoj školski rad i daš sve od sebe.
- » Da se prema školskom osoblju i drugim učenicima ponašaš prijatno i sa poštovanjem. Tako doprinosiš da školsko okruženje pruža sigurnost i mir u učenju.
- » Da čuvaš školski materijal i zajedničko školsko okruženje.
- » Da imaš sa sobom ono što je potrebno kako bi u potpunosti mogao/mogla učestvovati u svim časovima tokom školskog dana.
- » Da paziš na vremena.
- » Da koristiš pristojan jezik.
- » Da poštuješ pravila ponašanja u školi i da učestvuješ u izradi pravila.
- » Da si uključen/uključena u obrazovanje i rad u školi. Svim učenicima mora biti omogućeno da utiču i preuzmu odgovornost u skladu sa svojim preduvjetima.



## O smjernicama za saradnju između škole i kuće

Dokument je zasnovan na školskim zakonima i nastavnim planovima. Podrška je u kontaktu između škole, učenika i staratelja i odnosi se na osnovnu školu, specijalnu osnovnu školu, vanškolski centar, predškolski razred i kratkotrajni nadzor za učenike preko 12 godina (prema ZSS) u Upravi osnovnih škola. Dokument se odnosi na sve staratelje, učenike i osoblje u ovim djelatnostima.

## Ako ste staratelj i smatrate da postoje nedostaci u školi

Cilj je da saradnja između kuće i škole funkcionira kroz dijalog. Ako vi kao staratelji smatrate da postoje nedostaci u školi, imate pravo da podnesete žalbu u skladu sa rutinama Uprave osnovnih škola za prijem i istragu žalbi. Možete podnijeti svoju žalbu usmeno ili pismeno.

**Pročitajte više o podnošenju žalbi na stranici vaše škole na [goteborg.se](http://goteborg.se)**